



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Apostrophe Ad Lectorem.

urn:nbn:de:hbz:466:1-38621

gentia dijudicentur, vix aliquando cum fierent, sed plerumque postea cum transferunt. Quare idem Augustinus docuit super Genes. ad litteram c. 26. magnam esse revelationem, ac divo Joanni Evangelistae concessam, quando mens in raptu hac ratione aded illustratur; ubi ita scribit: libetiam si videatur futura, ita ut omnino futura noscantur, quorum imagines praesentes videntur, si ipsa hominis mente divinitus adjuncta, sive aliquando inter ipsa visa quid significet exponente, sicut in Apocalypsi Joannis exponitur: magna revelatio est, etiam si forte ignoret ille, cui hac demonstratur, utrum ex corpore exierit, an adhuc sit in corpore, sed spiritum à sensibus corporis alienatum ista videat: potest enim sic raptus id ignorare, si ei hoc non ostendatur.

Sententiam Augustini sequens est D. Thomas de verit. quest. 12. art. 9. in corp. his verbis: In hoc tamen propheta differt in sua abstractione à sensibus, sive abstrahatur per somnium, sive per visionem ab omnibus aliis, qui abstrahuntur à sensibus, quod mens propheta illustratur de his, qua in visione imaginaria videntur, quando cognoscit ea non esse res, sed aliqua-

liter rerum similitudines, de quibus certum iudicium habet per lumen mentis. Idem etiam adhuc exprelius repetit 1. p. q. 111. art. 3. ad 4. ubi hoc argumentum proponit: In visione imaginaria homo adheret similitudinibus rerum quasi ipsis rebus: sed in hoc est quadam deceptio. Cum ergo Angelus bonus non possit esse causa deceptionis, videtur quod non possit causare imaginariam visionem, imaginationem immutando. Huic autem argumento his verbis respondet: Angelus causans aliquam imaginariam visionem, quandoque simul intellectum illuminat, ut cognoscat quid per huiusmodi similitudines significetur, & tunc nulla est deceptio: quandoque vero per operationem Angeli solummodo similitudines rerum apparent in imaginatione, nec tamen tunc causatur deceptio ab Angelo, sed ex defectu intellectus ejus, cui talia apparent; sicut nec Christus fuit causa deceptionis in hoc quod multis turbis in parabola proposuit, quod non exposuit eis. Et hac de libertate siue meto, ac de contemplatione dicta sufficiant, ad laudem & gloriam DEI omnipotentis, & beatissimae Virginis MARIAE de monte Carmelo.

F I N I S.

APOSTROPHE AD LECTOREM.

Cum venerabilis Author noster in superiori Opere cap. 15. libri 5. compendio solum exponat quid sit mystica Theologia, licet plenius in antecedentibus ejusdem libri Capitulis explicaverit contemplationis mysticae Theologiae naturam, conditiones, species & gradus, lubet hic paucis indicare nostris nonnullis aliis, qui post illum uberius de mystica Theologia, aut oratione ac contemplatione, aliisque ad illam pertinentibus, aut ad eam conducentibus materiis scripserunt, quos consulere poteris ad plenioris de his scientiam obviandam.

In his est Ven. P. Hieronymus à Matre Dei, alias Gratianus, qui praeter Scholia Theologiae mysticae, Tractatum edidit, inscriptum, Dilucidarium veri spiritus, &c. in quo myst. Th. ol. conditionem ac gradus enucleatus declarat.

Ven. P. Ioannes à IESU MARIA, qui mysticam Theologiam integro edidit volumine, ab omnibus plurimum commendato quod primum prodit Romae, deinde an. 1622. recusum fuit coloniae, in prima editione omnium operum ejus, & extat sub initium Tomi 2. in aliis quoque diversis suis libris documenta subministrat coelestia huius scientiae, praesertim in Commentariis Cantici Canticorum.

R. P. Philippus à SS. Trinitate, plurimum librorum Author, Lugduni an. 1656. typis divulgavit insignis volumen, in tres partes pluresque Tractatus divisum, cui titulus, Summa Theologiae mysticae.

R. P. Dominicus à SS. Trinitate, in Seminario missionum Romano Carmelit. Discalceatorum, Sac. Theologiae ac controvertiarum Fidei professor edidit ibidem grande opus, in septem Tomos distinctum, inscriptum, Bibliotheca Theologica, cujus liber septimus Tomi septimi totus est in tradenda & exponenda Theologia mystica, & materis omnibus illam concernentibus.

R. P. Antonius à Spiritu sancto, Sac. Theologiae Professor in suo Vysliponensi Collegio, ac deinde regni Congensis in Africa Episcopus edidit Lugduni an. 1677. sub titulo, Directorium mysticum Tractatus quatuor de mystica Theologia; quibus complectitur, quidquid de hac mystica scientia pertractari solet.

R. P. Joseph à IESU MARIA, Historiographus Congreg. Hispanicae Carmelit. Discalceatorum, praeter alia complura praecelara opera edidit duo de mystica Theologia, quorum primum inscribitur Ascensus animae ad DEVM, dividiturque in tres libros: & prodit primum Hispanice Matriti an. 1658. deinde Romae Italice an. 1664. Alterum Ingressus animae in paradysum spiritualem nuncupatum, atque tribus quoque libris distinctum, quod an. 1659. nativo idiomate excusum fuit Matriti, recusum Italico Genuae, interprete P. Luca Francisco à S. Benedicto, an. 1669. de huius eximii viri illustri prosapia, mira eruditione atque sanctumonia legendus P. Franc. à S. MARIA Tomo 2. Annali Congreg. Hispanicae l. 7. c. 11.

Ven. P. Dominicus à IESU MARIA, vir sanctissimus fama toti Europae notus edidit Romae an. 1623. Tripartitum sententiarium spirituale, de triplici perfectionis via, purgativa, illuminativa, & unitiva, quo animam deducitur ad mysticam Theologiae contemplationem: quod pluries recusum fuit, in alias linguas translaturum. Commendat illud Gregorius XV. in suo Brevis Apostolico 3. parti praefixo, his verbis: Cum sicut accepimus dilectus Filius Dominicus à IESU MARIA Ordinis Carmelit. Discalc. Opusculum quoddam sententiarium spirituale, pro triplici perfectionis via, purgativa scilicet, illuminativa & unitiva nuncupatum, pro sua eximia pietate & honoris DEI, animarumque in via salutis progressu, ardenti zelo à se compositum, nobisque acceptum in lucem ediderit, &c.

Ioannes Ludovicus ab Assumptione, Germanus natione, patrio Spirensis, edidit an. 1634. Monachii, librum inscriptum, Passer solitarius, in 3. partes distinctum, in quo vita & functiones animae contemplativae sub symbolo passeris solitarii describuntur, praeter complura alia scripsit quoque Anatomiam vitae Analogicam. Huius viri vitam ac virtutes describit uberius in suo Decore Carmeli 3. part. pag. 163. R. P. Philippus à SS. Trinitate, & Dominicus Gravina multis celebrat illum laudibus in Appendice congeminatae vocis turtur.

Maximinius à S. Magdalena, edidit Nancei an. 1646. Opus, cui titulus, Directio ad vitam contemplativam. Ludovicus à S. Teresa, Galus, edidit Parisiis an. 1665. Tractatum praecelaram Theologicum, de anima.

Thoma. à Iesu Oper, Tom. II.

R 2

112

ma cum DEO unione, in quo doctrinam mysticæ Theologiæ B.P. Joannis à Cruce, tuetur & confirmat auctoritate SS. Augustini & Doctoris Angelici. Ab eo quoque prodiit *Succesio Eliana*, &c. & *Annales sui Ordinis Provinciae Francie*.

Bernardus à S. Onuphrio, Italus, Genæv typis evulgavit geminū opus mysticis ac contemplativis utilissimum; quorum alterum inscribitur: *Suspiria intima anime contemplative*, in quo exponendo Psalm. 41. & 42. egregie disserit de laboribus ac favoribus, intimaq. cum DEO unione anime contemplative. Alterū inscribitur, *Columba increata*, in quo mysticæ ac sublimissimè exponitur hymnus, *Veni Creator Spiritus*.

Balthasar à S. Catharina Senensi edidit Italico idiomate Bononiæ an. 1671. nativo idiomate, insignè volumen *Commentariorum in Castellum anime S.M. Tereise*, sibi hoc titulo: *Splendori riflesi di sapienza caleste vibrati da' Gloriosi Gerarchi Tomaso d' Aquino, e Teresa di GIESV, sopra al Castello interiore*, & mystico Giardino, metafore della santa, in quo enucleatius petra tractatur, & declaratur omne mysteria, difficultatesque mysticæ Theologiæ; acque ideo omnibus contemplativis, directoribusque animarum contemplativarum admodum utile ac necessarium est opus.

Didacus à IESV, Hispanus, edidit Barcinonæ an. 1619. Scholia, seu *Commentaria super quasdam phrasas mysticæ Theologiæ B.P. Joannis à Cruce*.

Alphonsus à Matre Dei, Italus, præter alia, quæ edidit, scripsit opus egregium *de oratione ac contemplatione*; cui adjungit imagines ad vivum exprimentes operationes animæ in his exercitiis.

Inter opera spiritalia duobus Tomis continentur opuscula ad orationem mentalem, contemplationem, mysticamque Theologiam pertinentia.

Nicolaus à IESV MARIA, natione Italus, patria Genuensis ex illustri Centurionum familia, Salmanticensis sui Ord. Collegii Sac. Theol. Professor edidit Martini an. 1631. *Elucidationem Theologicam phrasarum mysticæ Theologiæ B.P. Joannis à Cruce*, in duas partes distinctam, quæ Coloniz cum operibus ejusdem B.P. recula fuit an. 1639.

Emmanuel à IESV MARIA, Eleonoræ Augustæ quondam Cæsareus Ecclesiastes præter *Flores Carmeli* duobus Tom. distinctos, Viennæ an. 1666. excusos, ac *Fructus Carmeli* quatuor Tomis comprehensos, Romæ ac Neapoli typis evulgatos, edidit Neapoli an. 1677. in foliis opus, in quo sub symbolo myrrha, thuris & auri, virtutes Theologicas, mortificatione & oratione seu contemplationem, aliasque materias mysticæ Theologiæ petra tractat atq. explanat. Dividitur hoc opus in tres tractatus.

Mauricius à S. Angelo, natione Italus, patria Florentinus, præter alia complura scriptis duo præclara opera Theologiæ mysticis plurimum profutura. Primum inscribitur: *Dilectus ex dilecto, anime querenti illum, à sponsa demonstratus, descriptus, commendatus*. Exegetico-parenetici Theorematis, opus distinctum, alterum, *Delicia meditantium*, quibus anima devota epulatur quotidie splendide. *Meditationes de Sanctis & Festis*; propriæ de tempore, de Passione Domini, quatuor novissimis.

Petrus Thomas à S. MARIA conscripsit librum inscriptum, *Catechismus S. Tereise*, quo exponitur orationis mentalis, contemplationis, aliæque mysticæ Theologiæ partes ac conditiones. Prodiit primum Rothomagi, deinde recol. Bruxellis an. 1675.

Fabianus à S. Jacobo, natione Italus, patria Massensis, præter copiosos, & à pluribus commendatos *Commentarios in Cantica Canticorum*, scripsit *de regno DEI*, quod intrinsecus est, libros tres, in quibus disserit de interioris hominis statu, maximeq. de contemplatione, ejusque gradibus & effectibus.

Inter opera Ascetica Ven. P. Simonis à S. Paulo, Comiti in Lombardia duobus Tomis excusa, sunt duo libri de reformatione intellectus, memoriæ ac voluntatis, & appetituum, passionumque, &c. ad contemplationem, unionem divinam, mysticamque Theolog. plurimum conducentes.

Michael à S. Augustino, Provinciae Flandro-Belgicæ Provincialis, Antverpiæ edidit *Institutionum mysticarum libros quatuor*, quibus anima ad apicem perfectionis, & ad proximum mysticæ unionis per gradus deducitur.

Mathurin à S. Anna, Theoremata & aliquot opuscula mystica & spiritalia insigni myste Ven. F. Joannis à S. Samone, latinitate donavit & typis evulgavit Lugduni an. 1655.

P. Joseph à Spiritu sancto, Lusitanus, edidit Martini an. 1678. in fol. opus de Theologia mystica admodum intigne, cui titulus: *Catena mystica Carmelitana*, quæ pene tota constat ex Scripturis de hac materia Carmelitis discalceatis.

Verum his omnibus præponendi erant primū Seraphica Mater Tereisa, quæ in suis libris, de his sublimissimis materiis copiosissimè accuratissimèq. scripsit; de qua legimus in Actis Canonizationis ejus, quod clarissimi omnium Ordinum Theologi B. TERESIAE sapientiam admirantur, & facilem mysticarum rerum explanationem adeo obstupefunt, ut rarum sapientia genus eis videatur, quod de mystica Theologia Patres obscure, & sparsim tradiderunt, à virgine aliqua, in methodum tam perspicuam, atq. concinnè fuisse redactum. Meritoq. illam quasi spiritualis doctrinae Magistrā Ecclesiæ à DEO datam prædicant. Et petit Ecclesia in oratione festivitatis ejus, pabulo celestis ejus doctrina nutrirī.

Deinde Cherubicus Pater B. Joannes à Cruce, cujus sublimissimam doctrinam, prævio maturo examine, purpurati Principes, Ecclesiarum Antistites, Academicarū Præfides, sacre Generalis Inquisitionis Qualificatores, ac Consultores, Theologiæq. Doctores, mitis celebrant laudibus, Eminentiissimi S.R.E. Cardinales Joan. Baptista dati sac. Rit. Congregationis Præfectus, & de Torres, in Literis Remissorialibus in ordine ad Canonizationem P. Ioan. à Cruce, sic loquuntur: *Libri de mystica Theologia, qui per diversa regna circumferuntur, celesti eruditione sacundos, sublimi adeo, & admirabili stylo conscripti, ut talem scientiam divinitus revelatam esse, non humano acquisitam ingenio, existiment omnes; quorum lectio ad veras à falsis illuminationibus discernendas, animasq. in perfectionis via roborandas, peritulu comprobatur; unde doctrina S. Dionysii Areopagita à legentibus comparata est, &c.* Et R. P. Mag. Lezana hanc tulit de ea censuram: *Opuscula spiritalia servi Dei P. IOAN. à CRUCE, Ord. Carm. Discalce. instituta: Auctoritate montis Carmeli, Nox obscura, Flamma viva amoris, Canticum spirituale, de mandato Eminentiissimi Cardinalium Sac. Rituum Congregationis mibi commissi pro revisione, DOCTRINAM continent SYMBOLIS, ut PRÆCELSIOR vix, nisi in sacris codicibus reperiri queat. Hos consulendos censeo, si forte nost. Thomas aliquando in exponendo luccinctus sit.*

VENE.